



Broj: 10/E-11-6246/23  
Sarajevo, 26-10-2023 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH”, broj 2/23) i člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke usluga održavanja postojećeg GPS sistema (Zapisnik o pregledu i ocjeni ponuda broj: 10/E-11-6246/23 od 20.10.2023. godine), Općinski načelnik donosi

### ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „TIM SYSTEM“ d.o.o. Sarajevo, ulica Gatačka broj 13, 71000 Sarajevo, broj: 495-X-661/23 od 16.10.2023. godine, za nabavku usluga održavanja postojećeg GPS sistema, putem postupka za društvene i druge posebne usluge iz Aneksa II Zakona o javnim nabavkama, u ukupnom iznosu od **1.200,00 KM bez PDV-a sa popustom**, odnosno **1.404,00 KM sa PDV-om i popustom**.
- II.** Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- III.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### Образложење

Postupak za javnu nabavku usluga održavanja postojećeg GPS sistema, putem postupka za društvene i druge posebne usluge iz Aneksa II Zakona o javnim nabavkama i to kategorija: Razne usluge, pokrenut je Odlukom Općinskog načelnika o pokretanju postupka broj: 10/E-11-6246/23 od 09.10.2023. godine. Javni poziv za dostavu ponuda za nabavku usluga održavanja postojećeg GPS sistema objavljen je na Portalu javnih nabavki ([www.ejn.gov.ba](http://www.ejn.gov.ba)), Obavještenje o nabavci usluge iz Aneksa II broj: 848-9-2-12-22-183/23 od 9.10.2023. godine.

Procijenjena vrijednost javne nabavke iznosi 2.000,00 KM bez PDV-a

U roku za predaju ponuda koji je određen Javnim pozivom za dostavu ponuda (20.10.2023. godine do 12:00 sati), na adresu Ugovornog organa dostavljena je jedna (1) ponuda ponuđača „TIM SYSTEM“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude, kako slijedi:

Redni broj	PONUĐAČ	Ukupna cijena bez PDV-a (KM)	Popust (KM)	Ukupna cijena bez PDV-a sa popustom (KM)	Ukupna cijena sa PDV-om i popustom (KM)
1.	„TIM SYSTEM“ d.o.o. Sarajevo	2.000,00	800,00	1.200,00	1.404,00



Nakon izvršenog javnog otvaranja ponude, na zatvorenom sastanku Komisija I je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene prihvatljivosti ponude, kao i usklađenosti sa Javnim pozivom za dostavu ponuda, Zakonom o javnim nabavkama i odgovarajućim podzakonskim propisima.

Uvidom je Komisija I ustanovila da dostavljena ponuda ispunjava formalno-pravne, ekonomske i tehničke uslove, odnosno da ispunjava zahtjeve Ugovornog organa iz Javnog poziva za dostavu ponuda za predmetnu nabavku.

Nadalje, Komisija I je konstatovala da je ponuda prihvatljiva u smislu definicije prihvatljive ponude iz Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija I je utvrdila da je podnesena ponuda računski ispravna te da je ispravno obračunata ukupna cijena ponude sa PDV-om.

Analiza i rangiranje prihvatljive ponude na osnovu kriterija „najniža cijena“, u skladu sa članom 64. stav (1) tačka b) zakona o javnim nabavkama kako slijedi:

Redni broj	PONUĐAČ	Ukupna cijena bez PDV-a (KM)	Popust (KM)	Ukupna cijena bez PDV-a sa popustom (KM)	Ukupna cijena sa PDV-om i popustom (KM)
1.	„TIM SYSTEM“ d.o.o. Sarajevo	2.000,00	800,00	1.200,00	1.404,00

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

#### PREPORUKA O PRIHVATANJU PONUDE

Ponuđača „TIM SYSTEM“ d.o.o. Sarajevo, ulica Gatačka broj 13, 71000 Sarajevo, broj: **495-X-661/23 od 16.10.2023. godine**, za nabavku usluga održavanja postojećeg GPS sistema, putem postupka za društvene i druge posebne usluge iz Aneksa II Zakona o javnim nabavkama i to: kategorija Razne usluge, u ukupnom iznosu od **1.200,00 KM bez PDV-a sa popustom**, odnosno **1.404,00 KM sa PDV-om i popustom**.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda  
broj: 10/E-11-6246/23 od 23.10.2023. godine

#### DOSTAVITI:

1. Ponuđaču: „TIM SYSTEM“ d.o.o. Sarajevo, ul. Gatačka broj 13, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. Arhivi